

Jém carta jém ijáyayñewiip Pablo jém ityajwiiip jém attebet Filipos

Jém Pablo ijáyáypa jém Dios ipixiñtam jém ityajwiiip Filipos

¹ Ich aPablo con jém añcompañero Timoteo añcuyoxatámpa jém Jesucristo. Siip manjáyáypa mimichtam jém Dios mipixiñtam jém inçupicnetañwiiip Jesucristo jém attebet Filipos. Anjáyáypatim itumpiy jém impastoryaj con itumpiy jém diáconos jém icuyoxayajpaap jém Dios ipixiñtam. ² Jém tanJatuj Dios y jém tánomi Jesucristo miwíwadáyíñ, michiitámiñ jém paz iga odoj iniidiñ cobacpiji íñanamanjom.

Jém Pablo iwatpa oración para jém iamigoyaj

³ Cuando manjísipa, siempre anchiiba gracia jém tanJatuj Dios para mimichtam. ⁴ Cuando anañwejpátpa Dios para mimichtam iñtumpiytam, tsam amaymay porque ⁵ dende wiñigam hasta siip, tawagayoxap iga tanañmatpa jém wibic añmatí. ⁶ Ich añwijodoj iga tanJatuj Dios jém mojnewiiip iwat jém wibic yoxacuy íñanamanjom, seguido iwatpa hasta cupacpa cuando núcpa jém jama iga miñgacpa jém Jesucristo yíp naxyucmi. ⁷ Wi iga manjísipa porque tsam mantoypa. Agui anyoxpát cuando aít preso y cuando añcupuj jém wibic añmatí jém añjagooyi iwiñjom y anañmadáy

iga n_uma jém a_nma_ti da je mi_goooyi. Mimichtam mi_wi_wadáy_tim Dios juuts ich a_wi_waday_ñe. ⁸ Dios ij_odo_n iga ts_am p_imi mantoypa i_nt_umpiy_tam con jém wibic tóyooyi jém iniitw_ip Jesucristo. ⁹ Ana_nwejpá_tpa Dios iga más iniit_támiñ jém wibic tóyooyi i_nanamanj_om y iga michiiñ jáya_n jém w_itampic j_ixi. Jesic más i_ncuti_iyí_ypa ti ixunpa Dios. ¹⁰ Jesic w_iap i_ncupi_n jém wibic cosa. Jesic cuáy_ñe i_nanama, da i w_iap miñimáy iga mitá_ncaí_y hasta jém jama cuando miñgacpa jém Cristo. ¹¹ Mimichtam wattaami jáya_n w_itampic cosa juuts t_um wibic cosecha por medio de Jesucristo. Jesic ixtap iga agui w_i jém tanjat_un Dios, ts_am cuj_iptap.

Jém Pablo icuyoxap Cristo yíp naxyucmi

¹² Si_p mant_iwitam, ansunpa iga i_njo_do_naiñ ti annascane y_im y iga más jáya_nap jém wibic a_nma_ti cuando annasca jempic. ¹³ It_umpiy jém ityajw_ip jém palacio, con los de más, ij_odo_nayaj iga ana_núc jém Cristo i_nquímayooyi. ¹⁴ Casi it_umpiy jém tant_iwitam, jém ityajw_ip y_im, da c_inyajpa porque iyoxpá_tpa jém tán_omi. Icamamwatyaj ianama cuando iixyaj iga apajnetá. Jeeyucmi si_p da c_inyajpa iga i_nmatpa jém Dios i_nma_ti.

¹⁵ Algunos i_nmatyajpa jém Cristo i_nquímayooyi porque agui acujóyí_ypa, ts_am ajóyixpa. Pero jém tungac i_nmatyajpa jém Cristo i_nquímayooyi porque iwianjam iga iw_iwatpa. ¹⁶ Jém wibic p_ixin_tam i_nmatyajpa jém Cristo i_nquímayooyi porque ts_am tóyó_ypa. Ij_odo_nayaj iga aít y_im iga a_ncupujpa jém wibic a_nma_ti jém a_njagooyi iwiñj_om. ¹⁷ Pero jém malopic a_nmatc_iwiñ i_nmatyajpa jém

Cristo inqúimayooyi porque ipictson̄tooba alguna cosa para je iyaac, da porque iw̄iwattooba. Iwatyajpa así iga más ayaachwattaiñ iganam siip aít preso. ¹⁸ Ich da anticutigiyi i inmatpa jém Cristo inqúimayooyi. Ich amaymay cuando jém pixiñtam iñuumanmatpa. Amaymaytim siiga algunos inmatpa no más iga ipictson̄pa algun ti para je.

Ich tsam amaymaytim ¹⁹ porque anjodon iga núcpa jama iga atoptap porque michtam iniñwejpáttámpa Dios para ich y ayoxpátpatim jém Dios iAnama jém tachiñewiip jém tánQmi Cristo. ²⁰ Ich anwianjam y ananjócpa titam achiiba. Da atsaap ni uxan. Ansunpa iga ich anw̄iwatpa con ammijtay iga cujíptaiñ jém Cristo. Da anticutigiyi siiga atsiypa vivo o acaaneum. ²¹ Porque iganam aít, an̄cuyoxap Cristo. Siiga acaaba, tum coñw̄iyooyi para ich. ²² Siiga danam acaane, an̄watpa jém tánQmi iyoxacuy, pero siip da anjodon jupp̄ic an̄cupiñpa. ²³ Tsam táñca iga an̄cupiñpa jup más w̄i. Tsam nictooba aiti con Cristo porque más p̄imi w̄i para ich. ²⁴ Pero para mimichtam más w̄i iga atsiypa vivo yíp naxyucmi. ²⁵ An̄wijodon iga apoychíypa yíp naxyucmi con mimichtam. Manyoxpátpa iga más miw̄iatámiñ y más mimaymáyatámpa porque in̄cupicneta. ²⁶ Cuando aítgacpa con mimichtam, jesic agui mimaymáyatámpa, tsam in̄cujíptámpa tánQmi Cristo.

²⁷ Wadaytaami caso iga inw̄iwattámpa yíp naxyucmi juuts n̄impa jém Cristo inqúimayooyi. Jesic siiga nicpa mánám o danam anicpa,

ammatonpa iga inwıwattámpa y da i wiap mictsac jém Dios inmatı porque tumti inánama y tumti injıxi iniitta. Ammatonpatım iga miwagayoxatámpa con itumpıy impımi iga jém pixiñtam wiap icupıcyaj jém wıbic anmatı. ²⁸ Odoy jıci iga michigançıpa jém inenemigo. Cuando iixyajpa iga da micıpa, jesic tsam wıquejpa iga togoyyajpa jeeyaj, ipictsonyajpa jém mijpic castigo. Pero mimichtam cuando injampa iga da micıpa, jesic injodon iga micıacputtámpa Dios. ²⁹ Jém Cristo icuyucmı mimichtam da no más michiıta jém derecho iga incupıcpa je, pero iga miyaachwaptım. ³⁰ Siip mınatámpa contra jeetim enemigo juuts ich jáy añajı juuts inixñe iga ich anwat. Injodonıtam iga ich seguido añapa contra jém malopıc jıxi.

2

Jém Cristo ijic iga tsıy juuts tum pixiñ da ti wiap

¹ Siiga Cristo micamamwadáypa inánama, siiga Cristo itóyooyı miyoxpátpa, siiga iniit Dios iAnama inánamanjom, siiga wı inánama y tsam mitóyóypa, ² jesic acapsaayı jém ammaymájajı. Naittaamı tumti tóyooyı, tumti jıxi y tumti inánama. Ittaamı de acuerdo. ³ Pero odoy najacujóyıyooyı, odoy nacujıptajı inyaac. Más wı iga da malo inánama y iga más inıtoypa jém inıtwıtam que minitoytap inyaac. ⁴ Odoy métstaamı iga minıwıwadaytap inyaac. Pero métstaamı jutsap inwıwadáyta jém inıtwıtam.

5 Iniittámiñ jeetim jixi juuts jém tánQmi Jesucristo. 6 Jém tánQmi Cristo jextim ijixi y jextim ipimi juuts tanJatun Dios. Iwijodon iga da je nuumi iga tsíy juuts Dios. 7 Pero iyaac ichac itumpiy ipimi juuts Dios. Oy iti yíp naxyucmi juuts tum mozo. Jém imijtay juuts pxiñ. 8 Cuando oy yíp naxyucmi juuts tum pxiñ, ijíc iga tsíyñ juuts tum pxiñ da ti wiap. Iyaac nachiita iga accaata porque asiam ixunpa iJatun. Accaata cunusyucmi juuts tum malopic pxiñ. 9 Jeeyucmi Dios iccám iga más mijpic anjagooyi. Ichi más wibic n̄yi de itumpiy, 10 iga jém Jesús in̄iyimi itumpiy jém pxiñtam icosteeñayyaj. Icosteeñayyajpa itumpiy jém sinyucmic pxiñtam y jém ityajwip yíp naxyucmi con itumpiy jém ityajwip nascucim. 11 Cada pxiñ itots in̄madiñ iga jém Jesucristo je jém tánQmi iga cujptañ jém tanJatun Dios.

Jém Dios ipxiñtam juuts tum wibic jucti

12 Mantiwitam, mantoytampápic, tsam ancupicta cuando jáy tawagaititam, sip más acupictaami iga aít juumi. Jistaami jutsap in̄ciputta. C̄ntaami Dios. 13 Porque Dios iwatpa mimichtámanjom juuts je iwianjam. Michiiba jém wibic jixi iga in̄watpa juuts je ixunpa, miyoxpátpa iga wiañ in̄wawatta.

14 Iganam in̄wattámpa juuts ixunpa Dios odoy áñataami con jém in̄tiwitam. Odoy nacujiytamtaji, 15 iga da i wiap mipádáy in̄tánca. Jesic Dios mimanictam, da mitáncaíy iganam mixiba jém malopic pxiñtámanjom,

jém icupicneyajwɨp jém miŋooyi. Tsam michoctámpa yíp naxyucmi juuts tum wibic matsa an̄tiwanyucmi iganam ¹⁶ ininictámpa jém Dios in̄mati jém tachiipáppic vida. Jeeyucmi tsam amaymáyp jém jama cuando miñgacpa Cristo yíp naxyucmi iga da manxajaanquejáy jém Dios in̄mati ni da axajayoxa. ¹⁷ Ich agui amaymay iga wiap manyoxpát iga incupictamiñ Cristo. Siiga accaatap porque manamadáy jém Dios in̄mati, da an̄yácpa. Amaymay y ansunpa iga mimaymáyatamiñtim porque siip Dios miwipictsonpa juuts tum wibic ofrenda porque incupicne Cristo. ¹⁸ Maymáyataami mimichtam y wagamaymáyataamitim con aich.

Jém Timoteo y jém Epafrodito

¹⁹ Siiga jém tánomi Jesús iwianjam, anjisa iga da jáyñe mancutsadáypa jém Timoteo. Jesic cuando miñgacpa yim, más amaymáyp cuando anjodóna jutsane íñiti. ²⁰ Da anai yim ni tum p̄ixiñ jexpictim ijixi juuts aich, jém tsampic mijispa iga wipudiñ jém imvida. ²¹ Porque itumpiy imétsyajpa jutsap iniw̄iwadayyajt̄a iyaac. Da imétsyajpa jutsap icuyoxa jém Jesucristo. ²² Pero michtam in̄jodontam iga wibic p̄ixiñ jém Timoteo, tsam ayoxpát aich iga anamatta jém wibic an̄mati, anwaganayoxa juuts tum ammanic. ²³ Anjisa iga mancutsadáypa jém Timoteo cuando anjodóna ti annascaaba. ²⁴ Ich ancupicpa iga tánomi ayoxpátpa iga ich da jáyñe nicpa mánám anyaac.

²⁵ W̄i iga mancutsadáypa eybic jém tant̄iw̄i Epafrodito, jém michpic ancutsadáy iga achi titam

atogóyáy. Anwaganayoxa, tsam áñata contra jém malopíc jixi. ²⁶ Jém Epafrodito tsam mijispa. Tsam miixtooba iñtumpiytam. Tsam anyácne porque ijodon iga immatoneta iga mimne. ²⁷ Numa, tsam pimi mimne hasta caatooba. Pero Dios iyaachanjám. Da no más je, pero ayaachanjámtim aich iga odoy más pimi anyáguíñ. ²⁸ Jeeyucmi añcutsatpa jicsciy jém Epafrodito iga mimaymáyatámiñ cuando eybic iñixpa. Jesic ich da pimi anyácpa. ²⁹ Jesic wipictsonjtaami juuts iñtiwi porque Cristofim imichi. Maymáyataami, siempre toytaami jexpic pixiñ juuts iñtoypa jém tánomi. ³⁰ Por uxañ caaba jém Epafrodito porque icuyoxa jém Cristo. Je da cñpa, núc jut it jém peligro iga cupacpa iwat jém yoxacuy porque mich da wiá anyoxpátta iñyaac.

3

Dios tawitsagáypa tantáñca cuando tanjucipca Cristo

¹ Siip mantiwitam, maymáyataami porque Cristo mimichitam. Para ich da je molestia iga eybic manañmadáypa jeetim jixi juuts manjáyayñe. Wi para mimichtam iga eybic immatonpa. ² Nawattamtaji cuenta de jém chimpa, jém malopíc obrero, jém inmatpáppic jém migooyi. Inimiñpa jém añquímayooyi iga Dios ipixiñtam tienes que iwatpa jém marca de circuncisión jém imijtayyucmi. ³ Pero taichtam tanait jém numapic marca iga Dios tamichi. Tanait Dios iAnama tánanamanjom jeeyucmi wiap tanjis Dios. Tsam tamaymay iga Jesucristo tamichi. Taichtam tanjodon

iga tanyaac da ti w̄iap tanwat iga tapictsoñiñ Dios. ⁴ Siiga jém wiñicpic anquímayooyi w̄iap taciapcut, jesic ich pecam aciiputne, porque ich ampimimi seguido anwatpa juuts nimpa jém wiñicpic anquímayooyi. ⁵ Awadayta jém marca de circuncisión cuando ocho día anayñe. Ich Israelpic apixiñ de jém tribu de Benjamín. Ananmatpatim jém anmati hebreo juuts inmatpa jém anjatun. An cuyucane jém wiñicpic anquímayooyi con jém fariseopic p̄ixiñtam. ⁶ Ich tsam p̄imi antoypa idic jém wiñicpic anquímayooyi. Jeeyucmi tsam p̄imi ammalwadáy jém icupicneyajw̄ip Jesús. Anj̄ispa iga da atañcaiy porque anwatne itumpiy cosa juuts nimpa jém wiñicpic anquímayooyi. ⁷ Pero itumpiy jexpic cosa, jém anj̄ispáppic idic iga tsam w̄i, s̄ip da ti cuwatcuy para ich porque ancupicneum Cristo. ⁸ Itumpiy cosa jém anaitw̄ip idic s̄ip anj̄ispa iga it w̄i siiga togoypa porque ánixpic jém tánomi Jesucristo. Jém Cristo icuyucmi togoy itumpiy jém anaitw̄ip idic, s̄ip itumpiy jexpic cosa ánixpa juuts puchi porque más w̄i iga ampictson Cristo, ⁹ atsiypa juuts jém Cristo im̄ichi. Dios da apictsonpa iga wibic apixiñ o porque agui anw̄iwatne juuts nimpa jém Moisés inquímayooyi, pero apictsonpa iga ancupicne Cristo. Dios apictson iga wibic apixiñ porque Dios aw̄iwadáy por medio de jém fe. ¹⁰ Ich ansunpa iga más y más ánixpiguñ Cristo y más anaidiñ jém Dios ip̄imi jém icpisnew̄ip Cristo. Anyaach̄iypa cuando ayaachwattap jém Cristo icuyucmi. Hasta núcpa iga anaitpa jexpic j̄ixi ananam̄anjom juuts iniit jém tánomi Cristo cuando

ijícpa iga accaata. ¹¹ Ananjócpa iga acpístap de jut it jém caaneyajwíip.

Wí iga tanwatpa juuts ixunpa Dios con itumpiy tampimi

¹² Da mannímáypa iga anactsíyum itumpiy. Datim wíap anwat itumpiy cosa juuts ixunpa Dios, pero seguido antúníypa hasta anactsíypa itumpiy juuts ixunpa Dios. Jeeyucmi amíchaneum jém tánomi Jesucristo. ¹³ Mantíwítam, ich da mannímáypa iga anactsíyñeum itumpiy. Síp no más tum cosa anwatpa. Anjamnotpa jém wiñicpic cosa, tsíypa antuuñiancim, pero con itumpiy ampimi anwatpa jém cosa jém miñpáppic. ¹⁴ Juuts tum apuesto, poyimi anícpa iga ancoñwíyíñ jém premio, jém tanwejayñewíip Dios sinyucmi iga tachiiba porque Cristo Jesús tamíchi.

¹⁵ Tantumpiy, jém tanwicupicnewíip, wí iga tanjístampa jempic. Pero siiga algunos de mimichtam tungac cosa iñispa, jesic Dios micjodónaptim. ¹⁶ Wí iga cada tumtum seguido tanwattámiñ de acuerdo con jém jixi jém tampictsonnewíip.

¹⁷ Mantíwítam, acuixtaami juuts ich anwatpa. Ámtaami i iwíwatpa juuts ich mananquejayñe.

¹⁸ Mannímáyneum watciy, síp eybictim mannímáypa hasta awejpa, iga tsam jáyan pixiñtam ijóyixpa jém anquímayooyi iga accaata Cristo cunusyucmi. ¹⁹ Núcpa jama iga ipictsonyajpa jém castigo jém dapic cuyajpa. Ipuu jém idios. Tsam nacujíptap iyaac iga iwatpa jém malopic cosa jém aguipic tatsaap. Tsam ijispa yíp naxyucmicpic

jixi. ²⁰ Pero taichtam siñyucmipic tapixiñtam. Síp tananjócta iga miñpa siñyucmi jém taciaputpáppic, jém tánQmi Jesucristo. ²¹ Tacucagáyáypa jém tammijtay jém siñpíic tanait jém ñapic wiap. Tachiiba tum jomipic mijtay juuts jém Cristo imijtay tsampic wiap. Tawadáypa así con ipimi jém wiapaap injac itumpiy cosa.

4

Tamayáyatámiñ porque Cristo tánQmi

¹ Jeeyucmi mantiwitam, mantoytampáppic, tsam mánixtooba. Tsam amaymay con mimichtam. Mijextam juuts tum wibic coñwiyooyi. Quejpa iga da axajayoxa mimichtamanjom. Mantoytampáppic, odoy tsaci jém tánQmi inqúimayooyi.

² Siñp añcunucsáypa jém yomtam jém Evodia y jém Síntique iga odom más añayajiñ, iga iniityajiñ tumti jixi porque icupicyajpa tánQmi. ³ Mañcunucsáypatim mimich, jém wibic mañcompañero. Mañwágáypa iga iñyoxpádiñ yíp yomtam. Icuistic añwaganayoxa cuando anañmat jém wibic añmatí. Añwaganayoxatim jém Clemente y jém tungac tantiwitam jém jaycámayñetawip iñiyi jém librojom iga ipictsonpa jém vida ñapic cuyajpa.

⁴ Maymáyataami itumpiy tiempo porque Cristo mimichi. Eybic mannímáypa iga maymáyataami. ⁵ Siempre wíwati iga miixyajiñ itumpiy pxiñtam iga da mimalo. Jistaami iga da jáyñe miñpa jém tánQmi.

⁶ Odoy jisi ti iññascaaba. Anwejpaati Dios, wágaayi titam iñxunpa. Siempre cuando inwatpa oración chiitaami gracia Dios. ⁷ Dios michi jém wibic jixi iñanamanjom iga odoy ti inçinjiñ. Da i wiap icutiñyíy yíp jixi jutsap tayoxpát Dios. Yíp wibic jixi miwadáypa cuenta iñanama y iñjixi por medio de Jesucristo.

Jistaami jém wibic cosa

⁸ Jesic, mantiwítam, siempre jistaami jém numapic cosa. Jistaami jém wibic jixi, jém dapic malo, jém wítampic cosa, jém iwianjamyajpáppic jém wibic pixiñtam, jém cosa aguiptic wi tánix y itumpiy jém iwixyajpáppic jém pixiñtam. Jistaami itumpiy jém wibic cosa jém icujíppáppic Dios.

⁹ Wattaami juuts manañquejayñe juuts nimpa jém anquímayooyi jém impictsonnewiip. Wattaami juuts immatonje y juuts iñix iga ich anwatpa. Siip miwaganait tanjatun Dios iga odoy micinjiñ.

Jém ofrenda jém chiiñetaawiip jém Pablo

¹⁰ Agui amaymay jém tánomi iñiyimi porque mimichtam eybic anjístampa. Agui anwiwadaytooba idic, pero da impát jutsap anwiwadáy. ¹¹ Da manañmadáypa iga atogóyay algun ti. Porque ich ananyujne iga ayaachap. Ich amaymay con titam anait. ¹² Ananyujne iga ayaachap y ananyujne iga anait jáyan. Ançuyujcane iga awiitpa o da ti anaitpa. Ananyujne iga cuspa awiiqui o iga tsam ayuap. Ananyujne iga da ti atogóyay o da ti anait. ¹³ Ich wiap anwat itumpiy cosa porque jém Cristo achi ipimi.

14 Pero mimichtam tsam inw_iwatta porque tsam anyoxpát cuando ayaachwatta.

15 Mimichtam, miitw_ip Filipos, injodon_tam iga cuando moj anan_mat jém wibic an_mati, cuando aput jém naxyucm_i de Macedonia, jém Dios ipixiñtam jém tungac attebet da ayoxpát solamente mimichtam. 16 Cuando todavía da juumi anicne, cuando ait jém attebet Tesalónica, mimichtam watciy ancutsadayta jém ofrenda iga anyoxpátpa. 17 Da ammétspa jém xaja, pero ansunpa iga inw_iwadiñ iga Dios miccáyápa siñyucm_i jém inriqueza. 18 Ich ampictson_ene itumpiy cosa titam atogóyáy. Siip anait jáyan hasta cutsíyñe. Agui ayoxpát jém xaja jém ancutsadayñew_ip con jém tant_iw_i Epafrodito. Jém xaja jex juuts tum ofrenda aguipic c_inpa Dios iwiñjom juuts tum sacrificio, jém tsampic iwianjam Dios. 19 Jém tanjatun Dios michiiba itumpiy cosa titam mitogóyáy porque je iniit jém siñyucm_ipic riqueza. Michiiba porque Jesucristo mimichitam. 20 W_i iga tan_cujíptamiñ jém tanjatun Dios para siempre. Amén.

Anquímyajtap jém amigoyaj

21 Dioschi_i itumpiy jém icupicneyajw_ip Jesucristo. Jém tant_iwitam, jém anwaganaitw_ip yim, micutsadápa w_atidios. 22 Itumpiy jém Dios ipixiñtam jém ityajw_ip yip attebet micutsadápa w_atidios. Micutsadápatim w_atidios jém icupicneyajw_ip Cristo jém ityajw_ip jém Romapic anjagooyi iticcim.

23 Jém tánQmi Jesucristo miwıwadáyıñ
iñtumpıytam. Jemum cuyaj.

**Jém jomipic trato jém iwatnewip tánomi
Jesucristo**

New Testament in Popoluca, Highland

copyright © 2009 Wycliffe Bible Translators, Inc.

Language: Popoluca, Highland

Translation by: Wycliffe Bible Translators, Inc.

Popoluca, Highland

poi

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoluca, Highland

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

da18b773-264a-519b-a8dd-012e48df725d